

中國方志叢書・華北地方・第三〇五號

陝西 省

延綏鎮志

(全)

成文出版社有限公司印行

中國方志叢書·華北地方·第三〇五號

據

清·譚吉璉等纂修
清·康熙十二年抄本

影印

陝西 省

延綏鎮志

(全)

成文出版社有限公司印行

重脩延綏鎮志序

賜進士第原任翰林院檢討順治 大訓纂脩官清澗白乃貞廉叔父撰

國邑之有志昉於禹貢及周禮大司空所掌而漢書因之作地里志後遂各為紀乘以志郡與邑是志也者存其里野土風人官物曲所以備稽詢而資治道也我

家奠鼎以來九有允綏四隅式廓誠為輿圖之極

璚萬幾遠覽古今特

憲刑期登比屋可封之治迺精簡才望分布

疆 將軍許公都典雄鎮文算武昭美漢寧

副使高公以清勤勵已威惠霑洽荒餘悅服

斯時也內外臣工莫不仰符

睿慮加意民生海寓承流蒸蒸嚮化而又得嘉興譚

公以鳳閣右史出守延綏中路夫榆陽為延綏重鎮

地廣而蕪民無生業自昔為然公莅茲土政簡刑清

多方軫恤循猷種種表著西陲因念兵燹之餘舊志

散佚一切故實事宜無所稽考洵非細務也若撰輯

增刪未免勞心思而費物力矣公請諸 憲臺毅然

以纂脩為已任於是博採旁蒐網提臚列僅逾年而

書成 許 高兩公斟酌至當復捐俸付剞劂以傳

永永走四百餘里微序於余余病交侵筆研荒廢

然隸在編戶誼不敢辭雖僻居下邑未睹其志之詳而生逢

文治之光昌日聞輿人之歌誦知公為築巖先生之子築巖先生昔以五經應制海內誦其文章且又與余家大司寇若水公同年進士而公克繼之才名品望世德淵源經緯錯綜恢恢乎有餘地則實心實政真足以上報

聖朝求治之至意矣是書也不僅見公之麗藻鴻辭而且覘公他日之事業并傳不朽云

康熙十有二年歲在癸丑秋八月

延綏鎮志

延綏鎮志序

賜進士出身分守川北道布政使司右叅議前四川道監察御史宜君楊素縕若愚父撰

天下之勢在九邊而秦有其三三邊之勁甲天下而榆林居其首榆林曠衍無阻足據何師出輒以勁聞曰其人忠勇勇可恃乎山川不習險易不明餉不籌兵不簡練器械不戒方略不嫻勇無能為也明末榆林之已事可鑒已闖逆百萬之師壓鎮城環攻旬日城不陷及陷猶殊死巷戰可不謂勇歟而卒以不保豈非以不習不明不籌不簡練不戒不嫻之故哉然則何以習之曰高陂深谷之必悉也山川宜有志何以明之曰聖鑒之宜講也地理城郭宜有志何

卷序

三

以籌之練之戒之嫻之曰鼂趙屯邊韓范閱衆將推孫李計宗鎬略之必預也兵食水利馬政軍器人物藝文宜有志此延綏志之所以作而舟石譚使君之所以為知務也使君之守延綏也留心邊事既熟悉其地之形勝與風俗矣已乃身閱三十六堡若者利戰若者利守若者先事而綢繆久之石畫以定而志成焉攜其書過予問序予惟外史掌四方之志以貢天子郡國皆有志邊塞無志非無志也充國金城圖上介子蹶如搏兔頃刻之間變態風雲故密其機不以告人若無志然然九邊考諸書何嘗不直指利弊耶今天下中外一家烽燧即寂無警而思患預防之

道弗可弛則志誠要也志二十四卷使君一手定之

副憲高公 大將軍許公相與有成其他則未能增

減一字焉志山川地理城池也遠近以其方高下以

其勢義取乎設伏設險而天文星野以觀象社稷學

校以受成志兵食也詳多寡盈絀之數義取乎稽古

以善今而水利以佐飛輓馬政以備估閑志官師人

物藝文也重長子之選錄奇正之略義又取乎將將

而撫策而紀事以昭往猶此意也其意將欲後之人

歷其地讀其書思所以明之籌之簡練之戒之嫻之

而非徒以其文也使君真知務哉且夫志者志也作

者之志也使君以董賈之才出入承明之廬補袞既

延綏鎮志

卷序

四

有其事矣今者職在城堡以志先後者志禦侮凡所規畫即未施之事其志不較然在人哉舊志鏡淵涂公纂於萬曆間合延綏二郡州縣為一書茲刪去不存者邊塞有志原取乎習山川明險易籌餉練兵戒器械嫻方略而非徒以其文也自茲以往三軍勇矣而又有以習之明之籌之簡練之戒之嫻之榆林之甲其可以加九邊幹不庭而

皇圖其永磐石矣若夫擴蘊揮聚根之學持例發凡

祖之史稿精採藻歸之文則此書之餘事耳

康熙十二年秋七月之望

重脩延綏鎮志姓氏

總裁

鎮守延綏等處地方掛印總兵官都督僉事許占魁字文元陝西西安府蒲城縣人
整飭榆林中西二路兼分巡道陝西按察司副使高光祉字淑恬直隸真定府寧晉縣人

監脩

延安府

知府

王廷弼

字調鼎盛京奉天府蓋平縣人

纂脩

延綏府管理延綏各路城堡兼理屯田同知譚吉璉字舟石浙江嘉興府嘉興縣人

之閱

綏德

州

知

州祖允圖

字洪九盛京錦州府寧遠州人

米脂

縣

知

縣黃離恪

字雨作廣東廣州府新會縣人

延綏鎮志

卷姓氏

一

清澗

縣

知

縣江雯

字又章江南徽州府休寧縣人

榆林

衛

儒學

教授王調元

字贊伯陝西漢中府洋縣人

綏德

州

儒學

學正王思同

字爾貴陝西西安府醴泉縣人

考訂

原任安慶府監紀通判王世泰

字心寧陝西榆林衛人

榆林

衛

貢

生呂開基

校正

榆林

衛

監

生劉開基

延川

縣

儒學

生員王鼎

榆林

衛

儒學

生員米逢年

延綏鎮志目錄

卷之一

圖譜

天文志

地理志

卷之二

建置志

祠祀志

兵志

食志

卷之三

延綏鎮志

卷目錄

官師志

卷之四

人物志

人物志

卷之五

選舉志

紀事志

卷之六


藝文志

延綏鎮志卷之一


圖譜

圖何昉乎自河出圖洛出書始曷爲而河有圖也馬負之也馬負者何馬之背有旋毛如圖而洛之書卽龜甲之坼文也此吳澄之說較諸儒爲近理則天文地理之有圖尤其顯而易明者矣故曰有天成象在地成形圖之作也宜也嘗聞之天文家尾十九度井三十三度夫天之一度爲地一千九百餘里則延綏一鎮以句股法算之不及天之一度而圖之以二宿者何也秦之分也秦地大矣而延綏爲秦之西偏或足當天之一度乎姑存之以俟


延綏鎮志
尾箕圖
卷一







東井圖




延綏鎮志
延綏鎮城圖
卷一







評曰天文地理如石氏星經圖裴秀方丈圖評哉其
言之矣唐虞時在璿璣玉衡是制器以筮齊之而非
圖也故漢世以來謂之渾天儀者歷代實焉若夫欲
周知天下戶口阨塞之數則非地圖不可雖然亦不
過為方輿廣輪計耳至於用兵之要則天也昔趙營
平稱宿將矣而猶曰兵難險度至金城上方略即淮
南王之諫用兵也以爲南粵之地圖察其山川要塞
相去不過寸數而閒獨數百千里阻險柝叢不能盡
著視之若易行之甚難而謂今之地圖者果可據以
為信也哉盡信書不如無書書簡不可信而況圖乎



延綏鎮志卷之一

宋記天官書曰二十八舍主十二州斗秉兼之所從來久矣秦之疆也候在太白占於狼弧又曰東井輿鬼雍州

漢書曰漢元年十二月五星聚於東井客謂張耳曰東井秦地漢王入秦五星從歲星聚當以義取天下此東井為秦地之明效也

後漢書曰井弧皆秦地孝安永初元年客星在東井是以羌反斷隴道漢遣鄧騭將左右羽林及諸郡兵征之是其應也又曰永和三年辰星入輿鬼為大

又曰永和三年辰星入輿鬼為大

正安鎮志

臣有死者其六年征西將軍馬賢擊西羌於北地謝姑山下父子為羌所沒又曰永和六年彗星在奎一度甲申在東井遂應輿鬼秦為羌所攻鈔是其應也

天文志曰涼州入箕十度西河上郡北地入尾十度
又曰雍州躔井三十二度而雲中雁門襄代太原
各地方入鬼十度而上黨復入鬼二度

評曰昔范史以秦燔典籍殘為灰炭星官之書全而不毀司馬談父子世黎氏之後為太史令遂著天官書蓋漢去古未遠而司馬氏又世其家也則後世之言天者尚矣嘗考之華歧以西龍門積石至三危之

野雍州屬魁星則其斗秉之言尤與周禮有合周禮曰馮相氏掌十有二辰二十有八星之位又曰保章氏以星土辨九州之地皆有分星以觀妖祥而箋之者以為星分之書已亡今可言者十有二次之分若鶉首之次在未為秦是已司馬氏即以東井與鬼屬之其郡國所入度雖非古數或東西南北有不依國地而占之而自漢以來其言諸國皆有徵應乃知太史公著述之精意信而好古有如此後人生於千百年之下紛紛置辯有謂李淳風之非僧一行之是者將何所折中乎雖然羣言淆亂折諸聖今周禮具在而獨不之信者何哉嗟乎疇人分散天官之書多不

延綏鎮志

卷之二

二

學即知其一二者又雜出於傳會若隋代陳後主逃於井開府鮑宏謂東井上於天文為秦王都所在而投井以應之其為誕也甚矣故吾惟本之六經叅之三史晉以下無取焉

歲時

附

正月元旦鎮俗先一日門換桃符或貼宜春字夜半起以黃阡敬事天地祖禰恭拜父母及親戚之長者飲屠蘇酒由少而老

爆竹驅邪闔里交相拜節五日黎明掃除塵垢名送窮神是日飽食謂之填五窮六日炒黑豆撒於房壁名爆大甲七日用糠著地上以艾莊灸之

救人疾俗以疾七聲相近也十日名老鼠嫁女日

是夜家人滅燭早寢恐驚之致羣相害穀麥蠶衣裳

也十五日上元天官誕辰俗所尤重街市徧張燈

火花砲及火場倡優戲樂士女聚觀焉是夜用麪為

不托名燈錢注油然燈至十六日蚤作羹食之示

收燈也晡時士女或往來於親戚家或載酒出郊外

名散百病二十三夜聚豬羊骨雜燒之名煉乾俗

諺曰大忌二十三太上老君不出庵煉乾者煉丹也

桃符者一名桃板一名仙木其上或書神荼鬱壘

字黃阡紙錢也三國志曰熹平中妖賊大起

漢中有張修為五斗米道有病者請禱為法書作

延綏鎮志

卷之一

三

三迥其一上之天著山上其一埋之地其一沉之

水謂之三官此三官之始也火場聚石炭如斗

大者累作幢塔狀或獅象形然之通明竟夜不

托者言舊未有刀机之時皆掌托烹之故名俗作

轉託字今榆人以為燈錢者象形也楊雄方言餅

謂之飀

二月朔日俗名開廟門龍神起剗羊以祭二日以

灰圍宅舍謂之圍蚰蜒三日蚤取元旦所作黃米

人磨和燒黑豆啖之謂之敲蠅子

磨平聲磨麥成麪搜之使合并也稱磨者從其始

也北方又謂之波矣一名胡餅言以胡麻著之前

趙錄曰石季龍改曰麻餅或麻磨之音訛與韻書有磨字

三月清明士女俱插柳毛柏葉於鬢出城墓祭踏青郊外選勝飲酒謂之上野墳或分朋較射兒童競放風箏雨日乃止 穀雨日貼厭蝎符於壁書咒其上曰穀雨曰穀雨晨奉請穀雨大將軍茶三瓊酒四巡送蝎千里化為塵又書以吐喊噉字於四隅 柳毛白楊芽也未放葉時其芒若毛然故名

四月八日為浴佛辰僧尼庵多作佛會街市散豆結緣

五月五日餽米稜縣艾葉插菖蒲午時書避兵靈符

延綏鎮志

卷之一

四

市售長命絲纓飲雄黃酒然以蚤而石以午也

六月六日雞初鳴作菴豆湯俗呼漿水遲明各攜至祖塋澆奠名解炎熱人以後至者為不孝又汲水貯器中作麵醬及醋不穢敗取窻灰覆裏耗諸蟲畏之 七月七夕婦女夜焚香設瓜果於庭祀河鼓織女亦有乞巧者瓜剖之有法如華狀 十五日農家蚤向隴頭擇禾之長茂者懸五色紙旗名曰田旛慶秋成也是夜于佛寺作盂蘭會

八月十五日中秋瓜果香餅賞月并以月餅相遺 九月九日重陽節薦花糕採菊花登高飲酒為時讌之遊

十月朔夜家家剪紙作寒衣焚於門外以送亡者紙衣名裝一名鬼衣一名明衣段成式曰桐人起虞卿明衣起左伯桃挽歌起紼謳

十一月長至日以黍糕為饋

十二月八日謂之道德臘用黃黍作糜下油鹽於中謂之餠餅餅俗音同孟又用米豆八種為粥亦名臘八粥 二十三夜祀竈神用糖餅以糖泥神口祝曰毋以惡事訴上帝也 二十四日掃舍宇 除夕老幼設席飲酒夜半不眠謂之守歲

糜少用水煮米使糜爛而稠以兆來歲百禾稠齊

也昔陳元方季方炊忘箸簞飯成糜類是

延綏鎮志

卷之一

五

評曰榆人每逢佳節婦子相向而哭於門外蓋百戰之後遣戍者多而陣亡亦衆也去秋半碧潯橋初成余乘月上出城方循橋而西忽聞哭聲大作與波流相鳴咽余本恨人豈止雍門之泣哉昔張方平諫用兵書曰且夫戰勝之後陛下可得而知者凱旋捷奏拜表稱賀赫然耳目之觀耳至於遠方之民肝腦屠於白刃筋骨絕於餽餉流離破產鬻賣男女熏眼折臂自經之狀陛下必不得而見也慈父孝子孤臣寡婦之哭聲陛下必不得而聞也嗚呼聞方平之言而不心動者難矣

延綏鎮志卷之一

嘉興譚吉總重脩

延綏鎮志卷之一

地理志

延綏鎮在周為獫狁春秋為白翟地戰國時屬趙秦始皇三十二年命蒙恬略河南拓榆中地千里屬上郡漢廣長榆為雲中郡及五原郡之南興縣地而榆谿之水出焉所謂榆谿舊塞是也東漢因之晉為九原雲中二縣地屬并州新興郡隋初置勝州煬帝初州廢置榆林郡統縣三曰榆林富昌金河有榆林宮東為榆林關唐武德中沒於梁師都師都平復置勝州榆林郡領縣二曰榆林河濱宋沒於趙德明為夏境金元為米脂縣地明洪武初定陝西分綏德衛千

延綏鎮志

卷之一

一

戶劉寵七治正統中河套駸駸為患害特敕都督王禎鎮守延綏城鎮舊治綏德而外棄米脂魚河地幾三百里成化七年都御史王銳置榆林衛九年巡撫都御史余子俊創議乃城榆林堡屹然稱巨鎮焉邊墻起自黃甫川抵雙山十二營堡為東路神木道領葭州暨府谷神木吳堡三縣起常樂抵清平十堡為中路榆林道領綏德州米脂清澗兩縣起龍州抵鹽場十五營堡為西路靖邊道領保安安定安塞三縣轄衛四城堡三十六橫截河套之口內復塹山湮谷是曰夾道東抵偏關西接寧夏綿亘千八百里而延綏鎮之名自此始

國朝因之罷巡撫不設以慶陽延安二衛改隸州縣而靖邊道亦併於榆林轄衛二營四城堡三十一

評曰按地理志上榆中金城郡之屬縣故徐廣史記音義曰即阮嗣宗勸進文所謂榆中以南者也然始皇本紀西北逐戎人自榆中並河以東屬之陰山以此推之則蘇林以榆中在上郡非矣然三十五年使長子扶蘇北監蒙恬於上郡今之二冢俱在綏德州雕山之陰豈蒙恬略河南開榆中而仍置師於上郡不可得而知也要之大漠止有亭堠而無道里可稽不過據虛空鳥路計之而已榆中榆林何必為是紛紛也且金城之南山有梁暉者為羌中渠帥移居枹

延綏鎮志

卷之一

二

罕以所執榆鞭監地本便成林即榆中亦有榆林之名矣大抵塞外土宜榆枹余嘗北出居庸關至宣府有驛而亦曰榆林焉即長城之間復有曰小榆林者則知地之目以榆者不一也故先王名之為荒服荒者忽也簡略也得之矣

以上沿革

延綏鎮城半倚脫山為固西臨榆谿芹河諸水係極衝中地

東至常樂堡四十里至偏關五百里又東至京師二千一百里南至歸德堡四十里至陝西省城一千三百五十里西至保寧堡三十里至寧夏一千九百八里又西至固原一千三百七十里北至邊牆八里

成化九年都御史余子俊於舊城北增築城垣置榆林衛指揮使司隸陝西都司二十二年巡撫黃黻葺北城弘治五年巡撫熊繡展南城周圍一十三里三百一十四步隆慶元年巡撫王

又自水西門起至信地樓止築邏城七里萬曆元年巡撫張守中修築高厚頂濶三丈底濶五丈高三丈六尺嘉靖時巡撫張珩隆慶時巡撫鄒光先萬曆時巡撫宋守約王汝梅憲副洪忻趙雲翔總兵傅津賈國忠周圍漸用磚甃共大樓一十五座腰鋪四十七座東門二西門四南門一萬曆三十五年巡撫涂宗濬於城北十里築鎮北臺於教貢城高七丈層臺峻堞猶天險焉邊垣長三十一里零三百五十八步墩臺七十四座

保寧堡

東至鎮城三十里西至波羅堡四十里南至歸德堡四十里北至大邊一里

舊古梁城明嘉靖四十

三年巡撫胡志遠創建城設在平地係極衝下地周

延綏鎮志

卷之一

三

園凡二里一百四十步樓鋪七座萬曆六年重修九年參將臧士賢增東關邊垣長二十里墩臺三十六座

歸德堡

東至常樂堡八十里西至寧夏堡四十里南至魚河堡四十里北至鎮城四十里

唐党項州貞觀五年僑

治銀川境疑此明成化中余肅敏公北據虎都伯言

置今堡城設在半山半川係腹裏中地周圍凡二里

六十七步樓鋪一十五座嘉靖時築關城萬曆五六

年重修

魚河堡

東至榆林名勝堂界六十里西至寧夏堡四十里南至歸德堡四十里北至鎮城四十里

漢園陰地為黑上圪

塔明正統二年巡撫郭置魚河砦於九股水成化

十一年余子俊置今城撤魚兒河軍守之城設在平

川係腹裏上地周圍凡三里三百步樓鋪一十五座萬曆四年磚砌牌牆垛口

鎮川堡

南至米脂縣三十里北至魚河堡五十里西至鎮城一百三十五里

所建城設在平川係腹裏上地周圍凡一里三分舊

隸保寧參將轄

鄉音水堡

東至歸德堡四十里西至波羅堡四十里南至歸德州一百二十里北至大邊七十里

漢園陰地明正統初

巡撫郭置八年移守平糝堡九年余子俊撤平糝

仍守響水城設在山坡係極衝中地周圍凡三里二

百一十步樓鋪八座萬曆六七年重修磚砌牌牆垛

口邊垣長一十九里零二百七十六步墩臺二十二

座

延綏鎮志

卷之一

四

波羅堡

東至響水堡四十里西至懷遠堡四十里南至歸德州二百五十里北至大邊十三里

漢白土縣地明

正統十年巡撫馬恭置城設在山畔係極衝中地周

圍凡二里二百七十步樓鋪十座萬曆年間重修磚

砌牌牆垛口邊垣長三十五里零四十七步墩臺三

十五座

懷遠堡

東至波羅堡四十里西至威武堡四十里南至安塞縣三百里北至大邊二十里

漢白土縣地名為白家

梁天順中築堡撤土門堡軍守之城設在山上係極

衝上地周圍凡二里零一十七步樓鋪十二座隆慶

六年加高萬曆六年磚砌牌牆垛口邊垣長四十三

里零三十七步墩臺二十七座

威武堡

東至懷遠堡四十里西至清平堡四十里南至安塞縣三百里北至大邊四里

漢白土縣地後為響鈴

塔明成化五年巡撫王銳置撤大兔鵲堡軍守之城設在山阜係極衝上地周圍二百八十步樓鋪一十四座隆慶六年加高萬曆六年磚砌牌牆垛口邊垣長三十四里零三百二十一步墩臺二十一一座

清平堡東至威武堡四里西至龍州城三里南至延安衛屯七十里北至大邊十五里漢白土縣地後為磚營

兒明成化初巡撫王銳置撤白落城兵守之城設在山原係極衝中地周圍凡三百八十四步樓鋪一十三座隆慶六年加高萬曆六年磚砌牌牆垛口邊垣

長三十一里零二百六十九步墩臺三十一一座

常樂堡南至葭州一百四十里北至大邊半里東至雙山堡四十里西至鎮城三里漢榆谿地又名岔

河兒明成化間巡撫盧祥置弘治二年巡撫劉忠因

延綏鎮志 卷之一 五

地沙磧缺水北徙二十里建今堡城設在平川係極衝中地城垣周圍凡三里零五十步樓鋪一十五座

萬曆六年重修邊垣長一十八里零一百七十六步墩臺三十七座

雙山堡東至建寧堡四十里西至常樂堡四十里南至葭州一百四十里北至大邊十里漢真鄉縣地明正

統二年巡撫郭築水地灣寨成化間巡撫余子俊移築今堡併柝樹會兵守之萬曆六年重修城設在山岡係極衝中地城垣周圍凡三里零九十步樓鋪

一十四座邊垣長三十里零四十五步墩臺四十座

以上中路

建安堡東至高家堡四十里西至雙山堡五十里南至黃河一百五十里北至大邊五里漢固陽縣地後為

崖寺子明成化十年巡撫余子俊增置城設在山畔係極衝上地周圍凡二里零一百七十二步樓鋪一十五座萬曆三十五年巡撫涂宗濬用磚包砌邊牆長二十里零八十一一步墩臺二十三座

高家堡南至葭州一百六十里北至大邊三里東至柝林堡四十里西至建安堡四十里唐豐州地宋飛鵝

川元彌川巡檢司明正統四年巡撫陳鎰建後余子俊展修城設在平川係極衝上地周圍凡三里零二十九步樓鋪一十五座萬曆三十五年巡撫涂宗濬

用磚包砌邊垣長四十二里零二百三十八步墩臺四十四座

柝林堡東至大柝油堡二十里西至高家堡四十里南至黃河一百二十里北至大邊一里唐勝州地產柝故

延綏鎮志 卷之一 六

名明成化初巡撫盧祥置城設在山原係極衝下地周圍凡二里零一十二步樓鋪八座萬曆三十五年

巡撫涂宗濬用磚包砌邊垣長四十三里零一十六步墩臺二十六座

大柝油堡南至黃河一百二十里北至大邊三里東至柝林堡二十里西至神木堡三十里唐麟州地明弘

治初置城設在山上係極衝下地周圍凡二里零九十二步樓鋪一十二座萬曆三十五年巡撫涂宗濬

用磚包砌邊垣長二十七里零三百三十步墩臺一十七座

神木堡東至永興堡四十里西至大柝油堡四十里南至黃河一百二十里北至大邊四十里春秋屬趙漢五

原新秦魏朔州隋豐州後周為銀勝二州唐麟州地

宋移治吳兒堡改鎮西軍後為神木寨元置雲州明為神木縣後因為堡城設在平川係極衝中地周圍凡五里零七十步樓鋪三十三座隆慶五六年加高萬曆六七年用磚包砌邊垣長七十五里零八十六步墩臺六十座

永興堡 東至鎮羌堡三十七里西至神木堡五十五里南至黃河九十里北至大邊一十三里 隋連谷縣唐麟州

郡宋為黑城兒明成化中余子俊遣鎮羌指揮宋祥置城設在山上係次衝中地周圍凡二里零二十五步樓鋪八座萬曆三十五年巡撫涂宗濬用磚包砌邊垣長六十二里零八十六步墩臺三十九座

鎮羌堡 南至府谷縣八十里北至大邊一十里東至孤山堡四十里西至永興堡四十里 隋連谷縣地唐麟

延綏鎮志 卷之一

七

州郡明始守東村成化二年巡撫盧祥置城設在山原係極衝中地周圍凡二里零二百二十九步樓鋪十座萬曆三十五年巡撫涂宗濬用磚包砌邊垣長四十五里零一百一十九步墩臺二十九座

孤山堡 東至木瓜園堡四十里西至鎮羌堡四十里南至府谷縣四十里北至大邊一十五里 唐勝州地後為

孤圪塔馬營明正統二年巡撫郭置堡西山成化

初移置今堡城設在山畔係次衝上地周圍凡三里零三十四步樓鋪一十四座萬曆三十五年巡撫涂宗濬用磚包砌邊垣長三十七里零二百五十五步墩臺五十座

木瓜園堡 東至清水營三十里西至孤山堡四十里南至府谷縣五十里北至大邊四十里 唐勝州地明成

化十六年設堡隸孤山二十三年展中城弘治十四年募軍治為新城城設在山上係次衝上地周圍凡三里零九十步樓鋪一十七座萬曆三十五年巡撫涂宗濬用磚包砌邊垣長三十三里零一百五十四步墩臺三十二座

清水營 東至黃甫川一十五里西至木瓜園堡三十里南至府谷縣八十里北至大邊二十里 唐勝州地宋屬

府州路元為芑州明成化二年巡撫盧祥置撤府谷縣兵守之城設在山坡係次衝中地城周圍凡三里一十八步樓鋪一十九座萬曆三十五年巡撫涂宗濬用磚包砌新修關城三里二百九十八步邊垣長三十二里零二百步墩臺三十二座

延綏鎮志 卷之一

八

黃甫川堡 東至黃河三十里西至清水營十五里南至府谷縣九十五里北至大邊二十里 春秋趙地唐勝

州宋府州地明天順中清水營弘治初始添設關城城設在山畔係次衝中地周圍凡三里零二百七十四步樓鋪十六座萬曆三十五年巡撫涂宗濬用磚包砌邊垣長三十里零二百一十步墩臺二十八座

以上

龍州城 東至清水營三十五里西至鎮羌堡四十里南至延安府三百里北至大邊五里 漢為龍州宋夏州

右堡砦為范仲淹哨馬營明成化五年巡撫王銳建城設在平地係極衝中地周圍凡二里三百一十六步樓鋪九座隆慶六年加高萬曆六年磚砌牌牆垛口邊垣長三十四里墩臺二十五座

鎮靖堡

東至龍州城四十里西至靖邊營八十里南至延安府三百里北至大邊二里

宋夏州地後為白

灘兒明初始守塞門成化五年巡撫王銳進守筆架

城八年余子俊移兵守之城設在山畔係極衝中地

周圍凡四里三分樓鋪一十九座隆慶六年加高萬

曆六年磚砌牌牆垛口邊垣長四十七里墩臺四十

三座

鎮羅堡

南至延安府三百里北至大邊半里東至鎮靖堡四十里西至靖邊營四十里

宋夏州地城設在

平川係極衝中地周圍凡三百七丈邊垣長三十里

墩臺一十座

靖邊營

東至鎮羅堡四十里西至寧塞堡四十五里南至延安府三百二十里北至大邊一里

宋夏州兀喇城

保安軍范仲淹即其東西築哨馬營明景泰四年巡

延綏鎮志

卷之一

九

撫陸矩改築新城成化十一年余子俊改置靖邊營

撤保安兵守之城設在平原係極衝上地周圍凡八

里樓鋪二十九座隆慶六年加高萬曆六年磚砌牌

牆垛口邊垣長四十五里墩臺三十二座

寧塞堡

東至靖邊營四十里西至把都河二十四里南至保安縣一百四十里北至大邊二里

宋夏州地舊屬

栲栳城明成化十一年置堡撤三岔堡兵守之城設

在山原係極衝中地周圍凡四里三分樓鋪一十八

座隆慶六年加高萬曆六年磚砌牌牆垛口邊垣長

五十四里零二百八十步墩臺五十四座

把都河堡

東至寧塞堡三十四里西至永濟堡三十里南至保安縣一百二十里北至大邊二十里

宋夏州地明

始守栲樹澗成化九年余子俊置城周圍凡三里一

百八十步樓鋪一十一座隆慶六年加高萬曆六年

磚砌牌牆垛口今裁併寧塞

栲樹澗堡

東至寧塞營

栲樹澗故名明始設堡成化九年余子俊奏守永濟

嘉靖三十七年巡撫董威築舊堡復自永濟移守於

此城設在山上係極衝中地周圍凡三里七分樓鋪

一十八座隆慶六年加高萬曆六年磚砌牌牆垛口

邊垣長三十三里零二百三十六步墩臺四十八座

新安邊營

東至永濟堡三十里西至新興堡四十里南至慶陽府五百里北至舊安邊六十里

宋夏州深河兒

地中山坡明成化十一年余子俊置今堡撤舊安邊

兵守之城設在山坡係極衝中地周圍凡四里三十

延綏鎮志

卷之一

十

五步樓鋪一十四座隆慶六年加高邊垣長一十二

里墩臺一十七座

舊安邊營

東至栲樹澗四十里西至磚井堡五十里南至新安邊六十里北至大邊一里

宋鹽井地後為

深井明正統二年巡撫郭置成化十一年改置新

安邊營成化末以定邊孤懸復守今營城設在平州

係極衝中地周圍凡四里三分樓鋪二十座隆慶六

年加高萬曆六年磚砌牌牆垛口邊垣長三十三里

零二十三步墩臺五十一座

新興堡

東至新安邊七十里西至石灣池堡四十里南至走馬城一百里北至磚井堡八十里

宋夏州地舊有

東西海螺二城明初始守磚井成化十一年余子俊

始即東海螺設今堡城設在山上係次衝中地周圍

凡一里一百四十六步樓鋪八座隆慶六年重修萬曆六年加高邊垣長七里墩臺一十一座今裁併定邊營

磚井堡

東至舊安邊四十里西至定邊營五十里南至新興堡一百里北至大邊一里

宋鹽州地舊新興

堡有古井以磚甃者故名明正統二年巡撫郭置

城設在平川係極衝上地周圍凡三里二百五十步樓鋪一十二座萬曆六年加高磚砌牌牆垛口邊垣

長一十七里墩臺二十二座

石滂池

東至新興堡四十里西至三山堡六十里南至慶陽府三百里北至定邊營一百里

宋鹽池地水鹵

不可飲東有滂池堡人汲者便之故名明初守磚井

成化十一年余子俊增築堡城設在山上係次衝上

延綏鎮志

卷之一

十一

地周圍凡三里一百八十四步樓鋪三座萬曆三年

加高邊垣長九里零二百七十四步墩臺一十四座

今裁併定邊營

三山堡

東至石滂池六十里西至花馬池一百五十里南至饒陽堡七十里北至定邊營九十里

宋鹽池地三山

兒明參將岳嵩退保余子俊撤磚井兵守之成化九

年始增築城設在山畔係次衝中地周圍凡二里二

百四十步樓鋪三座萬曆三年加高邊垣長五里墩

臺八座今裁併定邊營

定邊營

東至磚井堡五十里西至花馬池六十里南至石滂池一百里北至大邊五十步

秦漢北地郡地後

魏大興郡西魏改五原郡兼置西安州以近鹽改鹽

州隋初廢煬帝置鹽川郡唐初為梁師都所陷武德

元年收復鹽州更五原郡設都督府貞元二年沒吐

蕃九年復城之領縣二曰五原白池宋咸平中陷於

夏明正統二年置定邊營嘉靖中遊擊梁震設關城

城設在平川係極衝上地周圍凡四里一百七十五

步樓鋪二十八座萬曆元年展西關三四兩年加高

六年磚砌牌牆垛口邊垣長五十四里墩臺七十七

座

鹽場堡

東至定邊營二十里西至花馬池二十里北至大邊五十里

明成化十三年余子俊

置堡城設在平川係極衝中地周圍凡二里三分樓

鋪九座弘治四年巡撫劉忠增修萬曆三年加高

饒陽水堡

東至沙家掌五十里西至寧夏城一百二十里南至紅德城九十里北至三山堡四十里

宋夏州地

延綏鎮志

卷之一

十二

饒陽水頭古蕭關明成化十三年余子俊置隸慶陽

衛十五年巡撫丁川改屬本鎮城設在腹裏周圍凡

二里三十步樓鋪八座萬曆二年重修今裁併定邊

營

以上西路

附記

河套東接山西偏頭關西至寧夏鎮相距二千里而

遙南則限以邊牆北濱黃河遠者八九百里六七百

里近者亦二三百里惟黃甫川之南焦家坪及孃孃

灘羊圈渡口為最近其地東北有大山而河流其中

濱河之地往往有城郭皆漢縣也河水自富平故城

而來東北逕渾懷障都尉之所治而障之西南有忻